



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antidecalogvs Theologico-Politicvs Reformatvs

Dript, Laurentius a

Paderbornae, 1672

Epilogvs.

urn:nbn:de:hbz:466:1-13441

EPILOGVS.

HAbes hic benevole Lector ex
 innumeris paucas, sed præcipu-
 as laxitates Decalogi, Legis Divinæ
 Præceptorumque Ecclesiæ everfivas
 ex diversis Authoribus collectas, &
 publicè exhibitas; ex quibus vides,
 in quas absurditates luxuriantia inge-
 nia, nisi se infallibili legis Divinæ re-
 gulâ dirigi permittant, provolvantur:
 nec esse Divina Præcepta *Regulam le-*
sibiam, quæ pro cuiusvis beneplacito
 in quamcunque partem inflecti pos-
 sit; sed cui se cor & intellectus huma-
 nus, si recta sint, vel esse cupiant, con-
 formare teneantur. *Augustinus in Ex-*
positione psalm. 93. Ne ait voluntatem
Dei velis torquere ad voluntatem tuam:
sed tuam corrige ad voluntatem Dei, vo-
luntas Dei sic est, quomodo Regula: Ecce

Bb 5

puta

puta tor sisti Regulam, unde habes corrigi: illa autem integra manet Regula: est enim incommutabilis. Quamdiu integra est regula, habes quo te convertas: & corrigas pravitatem tuam: habes unde corrigas, quod in te tortum est, Quid autem volunt homines? parum est, quod voluntatem tortuosam habeant: etiam volunt voluntatem Dei tortuosam facere secundum cor suum. Et in Psalm 31. conc. is. Quomodo distortum lignum, si ponas in pavimento equali, non collocatur, non compaginatur, nec adjungitur, semper agitur, & nutat: non quia inaequale est, ubi posuisti; sed quia distortum est, quod posuisti, ita & cor tuum, quamdiu pravum est, & distortum, non potest collinari rectitudine Dei: & non potest in illo collocari: ut hereat illi, & fiat rectum. Verbis itaque S. Augustini quibus praefationem, illis, & hunc Epilogum concludo. Cum videris multos non solum hac facere sed etiam

iam defendere, atque suadere tene te ad Legem Dei, & non sequaris prævaricatores ejus: non enim secundum illorum sensum, sed secundum illius veritatem judicaberis: Ne sequaris blandientis serpentis antiqui protoparentum seductoris vafritiem: non novellorum probabilistarum benignas nimis interpretationes, non latæ & spatiosæ ad interitum ducentis viæ duces: sed tene te ad Legem Dei, Sanctorum Patrum infallibilibus interpretationibus explicatam angustam viam, quæ ad vitam ducit demonstrantem, quæ ego tibi, tu mihi apud Deum vicissim precemur. Vale benevole Lector & fruire exiguo hoc meo labore, quem hisce finio, & infallibili Judicio S. Matris Ecclesiæ submitto: revocatum & nec dictum, nec scriptum volens; si quid contra unicam Romano Catholicam solam salvificam fidem: contra

bonos mores, vel Doctrinam Doctō-
ris Angelici scripserim: hoc unice ex-
optans, ut quot sunt in hoc libello lit-
teræ, toties & infinities millies glori-
ficetur Deus in magnâ & admirabili
Matre suâ Cæli terræque Imperatri-
ce, omnibusque Sanctis, sitque ille, qui
est rerum omnium, sic & hujus libelli
Alpha & Omega, Principium &

F I N I S.